

ZAKLJUČEN IZ ODLUKE

UGOVOR O KUPOPRODAJI ROBA

Zaključen dana _____, po provedenom Otvorenom postupku za dostavu ponuda sa objavljivanjem obavještenja, a na osnovu pravomoćne odluke o dodjeli Ugovora br. 04/421 od 23.8.2019 god. između:

1. Kantonalno javno komunalno preduzeće „Gradski saobraćaj“ d.o.o. Sarajevo, Sarajevo, ul. Srđana Aleksića br. 1, ID broj: 4200055640002, PDV broj: 200055640002, transakcijski račun broj: 1540012000237552, koga zastupa V.d. Generalni direktor Avdo Vatrić, dipl.ing.el, s jedne strane / u daljem tekstu: Ugovorni organ/

2. „UBEStore“ d.o.o. Tuzla“, ul. Ivana Markovića Irca 68, 75000 Tuzla, ID broj 4210232990006, PDV broj 210232990006, račun broj: 1941049222100155 kod banke Procredit banka dd Sarajevo, koga zastupa Direktor, Edin Uzeirbegović, s druge strane (u daljem tekstu: Prodavac).

Ugovorne strane su se dogovorile o slijedećem:

PREDMET UGOVORA

Član 1.

Predmet ovog Ugovora je nabavka i isporuka roba: „10 RABLJENIH ZGLOBNIH AUTOBUSA - POGON LPG“, a prema tehničkim podacima i osnovnim elementima ponude broj: EU 1208-1/19 od dana 19.08.2019. godine, koji su sastavni dio ovog Ugovora.

Član 2.

Prodavac prodaje, a kupac kupuje 10 rabljenih zglobnih autobusa - pogon LPG, za gradski prevoz iz člana 1. ovog ugovora:

Red. broj	Marka i tip vozila	Količina	Godina proizvodnje	Jedinična cijena bez PDV-a
1.	MAN LION'S CITY G	1	2011	82.775,00
2.	MAN LION'S CITY G	1	2011	82.775,00
3.	MAN LION'S CITY G	1	2011	82.775,00
4.	MAN LION'S CITY G	1	2011	82.775,00
5.	MAN LION'S CITY G	1	2011	82.775,00
6.	MAN LION'S CITY G	1	2010	75.000,00
7.	MAN LION'S CITY G	1	2010	75.000,00
8.	MAN LION'S CITY G	1	2010	75.000,00
9.	MAN LION'S CITY G	1	2010	75.000,00
10.	MAN LION'S CITY G	1	2010	75.000,00
Ukupno bez PDV-a				788.875,00 KM
Popust _____ %				-----
Ukupno sa popustom bez PDV-a				-----
PDV (17 %)				134.108,75 KM
Ukupno sa PDV-om				922.983,75 KM

CIJENA

Član 3.

Cijena vozila iz člana 1. ovog ugovora je na bazi isporuke vozila u sjedištu kupca i uključuje sve troškove vezane za dopremanje vozila na naznačenu lokaciju osim troškova registracije.

Ukupna vrijednost nabavke vozila iz člana 1. ovog ugovora bez uračunatog PDV-a iznosi 788.875,00 KM (slovima sedamstoosamdesetosam hiljada, osamstosedamdestpet KM), a sve prema ponudi broj: EU 1208-1/19 od 19.08.2019. godine. koja je zaprimljena pod brojem: 11567 od 19.08.2019. godine.

GARANTNI ROK I TEHNIČKE KARAKTERISTIKE

Član 4.

Prodavac daje garanciju za ispravnost vozila iz člana 2. ovog ugovora prema prihvaćenoj ponudi broj: EU 1208-1/19 od 19.08.2019. godine.

Garantni rok na ispravnost ponuđenih vozila iznosi 3 mjeseca i počinje teći danom preuzimanja vozila.

Garancija se ne odnosi na:

- Rezervne dijelove vozila koji se obavezno mijenjaju na propisanim servisnim pregledima,
- Unutarnjih obloga i tapaciranih dijelova koji su posljedica svakodnevne upotrebe vozila,
- Teškoće nastale modifikacijom vozila koje nije potvrdio proizvođač.

Član 5.

Vozila iz člana 2. ovog ugovora moraju imati tehničke karakteristike prihvaćene u ponudi broj: EU 1208-1/19 od 19.08.2019. godine., a u skladu sa Aneksom 6 Tenderske dokumentacije.

USLOVI I NAČIN PLAĆANJA

Član 6.

Ugovorne strane su se dogovorile da su cijene date u ponudi fiksne i nepromjenjive i da će važiti tokom perioda važenja ovog Ugovora.

Plaćanje utvrđene ukupne vrijednosti vozila iz člana 3. ovog ugovora Kupac će izvršiti u roku od 30 dana od dana izvršene isporuke vozila i ispostavljene fakture za isporučena vozila.

Član 7.

Prodavac je obavezan, da u roku od 15 dana od dana potpisivanja ovog ugovora, ugovornom organu dostavi bezuslovnu bankovnu garanciju za dobro izvršenje ugovora na iznos od 20.000,00 KM (slovima: dvadesethiljadakonvertibilnihmaraka) u svrhu osiguranja naknade svake štete i troškova koje ugovorni organ može pretrpiti u slučaju da prodavac prekrši ovaj ugovor.

Kupac će izvršiti realizaciju bezuslovne bankovne garancije i postupak raskida ovog ugovora, ukoliko dođe do kršenja odredbi ovog ugovora, radi naknade nastale štete. Troškovi raskida ugovora u tom slučaju terete Prodavca vozila.

Član 8.

Ukoliko Prodavac u traženom periodu iz člana 7. ovog Ugovora ne dostavi bezuslovnu bankovnu garanciju, isti će se smatrati nevažećim.

Član 9.

Prodavac se obavezuje da će vozila iz Člana 2. ovog ugovora isporučiti DDP na adresu kupca, Srđana Aleksića 1, Sarajevo (krug preduzeća KJKP „Gradski saobraćaj“ d.o.o. Sarajevo) i da će provesti sve zakonske procedure o svom trošku do registracije vozila uz poštivanje važećih zakonskih i podzakonskih propisa koji uređuju tu oblast u Bosni i Hercegovini.

Član 10.


Prodavac se obavezuje da će ukoliko se ustanove kvarovi u garantnom roku, iste otkloniti najkasnije za 30 dana, a ako kvar ne otkloni u ovom roku, zamijenit će vozilom istih karakteristika bez naknade.

OBAVEZE PRODAVCA

Član 11.

Prodavac se obavezuje:

- 1) Da će izvršiti isporuku svih vozila u roku od 15 dana od dana prijema narudžbenice od kupca.
- 2) Da će vozila biti u takvom stanju da zadovoljavaju sve propisane tehničke uslove prilikom tehničkog pregleda za registraciju vozila prema propisima u Bosni i Hercegovini.
- 3) Da će izvršiti homologaciju vozila prema važećim propisima za homologaciju vozila u BiH, a posebno uzeti u obzir zahtjeve definisane prema Odluci o najnižim tehničkim zahtjevima za novoprodukcijena i korištena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa (Službeni glasnik BiH broj 17/16) i to za sve navedeno u Prilogu 1 i Prilogu 3 navedene Odluke. Prodavac će kupcu predati rješenje o izvršenoj homologaciji za svako isporučeno vozilo pojedinačno.
- 4) Da će prilikom isporuke vozila ugovornom organu predati Certifikate i Uvjerenja kojima se dokazuje da je izvršen Reatest za komplet plinske instalacije, ukoliko plinske instalacije već ne posjeduju važeće ateste sa rokom važenja narednih 5 godina.
- 5) Da će prilikom isporuke vozila ugovornom organu predati originalnu dokumentaciju od proizvođača vozila i proizvođača gasne instalacije za odabrana vozila sa prevodom na 1 od službenih jezika u BiH.
- 6) Da će prilikom isporuke vozila ugovornom organu dostaviti tehničku dokumentaciju potrebnu za servisiranje i vanredne opravke, kao i katalog rezervnih dijelova za vozila i uputstva za reparaciju agregata (pogonski motor, automatski mjenjač, diferencijal i dr.) u elektronskoj ili štampanoj formi.
- 7) Da će prilikom isporuke vozila ugovornom organu predati Software za održavanje i software za dijagnostiku i interfejs, ukoliko to ili ta vozila zahtjevaju taj software.
- 8) Da će ovlaštenim predstavnicima ugovornog organa omogućiti softverski pristup memoriji elektronike, elektronički upravljanih i kontroliranih sistema s ciljem korištenja pohranjenih podataka (ukoliko su vozila opremljena tim sistemima);
- 9) Da će ugovornom organu za sva ponuđena vozila predati Servisnu knjigu održavanja za svako vozilo.
- 10) Da će dostaviti uputstva za rukovanje vozila na jednom od službenih jezika u BiH, te obezbjediti obuku vozača autobusa ugovornog organa o trošku ponuđača, za ispravno rukovanje i upravljanje vozilima koji su predmet nabavke, u krugu KJKP GRAS d.o.o. ili firme iz koje su vozila nabavljena.

- 
- 11) Da će nakon isporuke vozila za radnike ugovornog organa u krugu KJKP GRAS d.o.o. (ili firme iz koje su autobusi nabavljeni) obezbjediti obuku potrebnu za održavanje, dijagnosticiranje, servisiranje i vanredne opravke vozila o trošku ponuđača.
 - 12) Da će, ukoliko u garantnom roku dođe do kvara vozila iz člana 2. ovog ugovora, zbog loše izrade, odnosno ugradnje nekvalitetnih dijelova i materijala ili druge skrivene mane kupljenih autobusa, snositi troškove popravke.
 - 13) Da će ispostaviti fakturu za isporučena vozila iz člana 2. ovog ugovora koja sadrži jediničnu i ukupnu cijenu bez PDV-a i sa obračunatim PDV-om u skladu sa članom 3. ovog ugovora.

OBAVEZE KUPCA

Član 12.

Kupac se obavezuje:

- 1) Da će primiti vozila iz člana 2. ovog ugovora i da će izvršiti komisijski pregled tih vozila, te o tome sačini zapisnik i dostavi ga Prodavcu.
- 2) Da, ukoliko utvrdi da isporučena vozila ne odgovaraju po tehničkim karakteristikama vozilima u ponudi broj: EU 1208-1/19 od 19.08.2019. godine, sačini zapisnik po svim utvrđenim nedostacima, koji svojim potpisom ovjerava ovlašteno lice Prodavca i Kupca, i od Prodavca zahtijeva da o svom trošku otkloni nedostatke i predmet nabavke dovede u stanje zahtijevano tenderskom dokumentacijom i prihvaćenom ponudom ili izvrši zamjenu vozila.
- 3) Da ukoliko naknadno utvrdi da vozila iz člana 2. koja su predmet ovog ugovora, ne odgovaraju traženim tehničkim karakteristikama, obavijesti Prodavca odmah, a najkasnije u roku od 5 dana usmeno ili pismeno radi otklanjanja nedostataka ili zamjene vozila.
- 4) Da izvrši plaćanje roba u roku od 30 dana po prijemu faktura, u skladu sa odredbama ovog ugovora, na broj transakcijskog računa Prodavca.
- 5) Da će održavanje i eksploataciju vozila vršiti po tehničko-tehnološkim propisima proizvođača vozila. Uredno voditi servisne knjižice, reklamacione zapisnike i pravovremeno obavještavati prodavca o nastalim oštećenjima i problemima na vozilima u propisanom garantnom roku.

Član 13.

Ugovorne strane su saglasne da se jednostrani raskid ovog ugovora može izvršiti zbog neispunjenja ugovornih obaveza ili bilo koje zloupotrebe Ugovora od strane ugovornih strana.

Jednostrani raskid ovog ugovora biće izvršen u slučaju da Prodavac ne ispostavi bankarsku garanciju za uspješnu realizaciju ugovora u roku od 15 dana od dana potpisivanja ugovora.

Ukoliko jedna od ugovornih strana ne izvrši ugovorene obaveze dužna je drugoj strani nadoknaditi svu štetu nastalu zbog neizvršenja ugovorenih obaveza.

Jednostrani raskid ugovora obavezno se izjavljuje pismenim putem.

Član 14.

Ugovorne strane su saglasne da bilo koji oblik nepoštivanja ovog ugovora od strane Prodavca povlači aktiviranje bankovne garancije za uspješnu realizaciju ugovora, koju je Prodavac dužan dostaviti u roku od 15 dana od dana potpisivanja Ugovora.

Član 15.

Sve eventualne sporove proistekle iz ovog ugovora, ugovorne strane su saglasne da će rješavati sporazumno.

Ukoliko se ne postigne sporazumno rješenje, ugovorne strane su saglasne da je za rješavanje spora nadležan sud u Sarajevu.

Član 16.

Ugovor se zaključuje na period od 6 mjeseci, a stupa na snagu danom potpisivanja od strane ovlaštenih lica obje ugovorne strane.

Član 17.

Ovaj ugovor je sačinjen u 5 (pet) istovjetnih primjeraka od kojih 3 (tri) primjerka pripadaju Prodavcu, a 2 (dva) primjerka Kupcu.

SUPOTPISNIK

V.d. izvršni direktor
za tramvajski i trolejbuski saobraćaj
mr. Almir Ahmetpahić, dipl.ing.saob.



KUPAC

V.d. GENERALNI DIREKTOR
Avdo Vatrić, dipl.ing.el.




Broj: 12976
Datum: 17-09-2019

PRODAVAC

DIREKTOR

Edin Uzeirbegović



Broj: _____
Datum: 12.09.2019.